

Sarajevo,
Broj:

17.12.2019
02-03-65289



KLINIČKI
CENTAR
UNIVERZITETA
SARAJEVO

Na osnovu člana 100. Stav (3) i člana 18. Stav (1) Zakona o javnim nabavkama („Službeni glasnik BiH“, broj 39/14), člana 48. Statuta Kliničkog centra Univerziteta u Sarajevu, a po otvorenom postupku javne nabavke, sa međunarodnim učešćem, Generalna direktorica donosi

ODLUKU

o poništenju i ponovnom pokretanju postupka javne nabavke
za izbor najpovoljnijeg ponuđača za nabavku aparata za mehaničku ventilaciju uz prateći monitoring

I

1. Žalba broj 932/19 (naš broj: 12-01-64229 od 12.12.2019 izjavljena od strane potencijalnog ponuđača „MGM FARM“ d.o.o. Kakanj, sa sjedištem u ul. 311. lahke brigade 97. 72240 Kakanj, na Odluku o djelimičnom usvajanju žalbe u postupku javne nabavke aparat za mehaničku ventilaciju uz prateći monitoring br. 02-03-62758/19, pokrenutom putem otvorenog postupka javne nabavke sa međunarodnim učešćem, objavljenog dana 01.11.2019.godine na portalu e-nabavke sa obavještenjem o nabavci br. 893-1-1-688-3-429/19, **usvaja se kao djelimično osnovana.**
2. **Poništava se postupak** javne nabavke i tenderska dokumentacija br. 02-03-55201-1/19 „Nabavka aparata za mehaničku ventilaciju uz prateći monitoring“ objavljeno dana 01.11.2019. godine na portalu e-navke pod brojem 893-1-1-688-3-429/19.
3. U skladu sa Planom javnih nabavki za 2019. god. (Odluka UO broj:422/19 protokol br. 02-01-43259/19 godine; pod klasifikacijom investicije-robe redni broj 67) i namjenski obezbijedenim sredstvima u Budžetu Kantona Sarajevo za 2019 godinu, ovom Odlukom odobrava se **ponovno pokretanje postupka javne nabavke.**
4. Ova Odluka stupa na snagu danom donošenja i objavit će se na web stranici KCUS-a putem web stranice Kantona Sarajevo istovremeno sa dostavljanjem ponuđačima koji su učestvovali u postupku javne nabavke, u skladu sa članom 71. ZJN.

OBRAZLOŽENJE

Klinički centar Univerzita u Sarajevu (u daljem tekstu KCUS) pokrenuo je postupak javne nabavke za „Nabavku aparata za mehaničku ventilaciju uz prateći monitoring“, putem otvorenog postupka sa međunarodnim učešćem, te je na portalu javnih nabavki dana 01.11.2019. godine objavio obavještenje o nabavci br. 893-1-1-688-3-429/19, zajedno sa tenderskom dokumentacijom broj: 893-1-1-688-3-429/19.

Postupak nabavke je podjeljen u 4 (četiri) lota: lot 1. Nabavka visokofrekventnog ventilatora (respiratora) za ventilaciju odraslih i djece (3 kom); lot 2. Nabavka ventilatora (respiratora) za ventilaciju novorođenčadi (4 kom); lot 3. Nabavka neonatalnog ventilatora (respiratora) za ventilaciju novorođenčadi (4 kom); lot 4. Nabavka monitora za praćenje vitalnih funkcija(10 kom) za potrebe Discipline za zdravlje djeteta i Klinike za infektivne bolesti KCUS-a, sa procijenjenim vrijednostima u iznosu od: za lot 1. =250.000,00 KM bez PDV-a; za lot 2. =156.000,00 KM bez PDV-a; za lot 3. = 224.000,00 KM bez PDV-a i za lot 4. =75.000,00 KM bez PDV-a.

Nakon preuzimanja tenderske dokumentacije potencijalni ponuđač „MGM FARM“ d.o.o. Kakanj, izjavio je Žalbu broj 890/19 naš broj: 11-04-60685/19, nezadovoljan načinom utvrđivanja tenderske dokumentacije, te po prijemu Odluke o djelimičnom usvajanju žalbe broj: 02-03-62758/19, izjavio je Žalbu broj 932/19 naš broj: 11-04-60685/19 od 12.12.2019. godine, radi kršenja člana 100. Stava 3, te člana 53. Stav (3) i (6) ZJN.

Prije nego se upustio u meritorno odlučivanje o navedenoj žalbi u skladu sa članom 100. Zakona o javnim nabavkama („Službeni glasnik BiH“, broj 39/14), KCUS je utvrdio da je žalba, potencijalnog ponuđača „MGM FARM“ d.o.o. Kakanj blagovremena, dopuštena i izjavljena od ovlaštenog lica, te da ista ispunjava uslove propisane članom 100. stav 3 Zakona o javnim nabavkama BiH („Službeni glasnik BiH“, broj 39/14).

Uvidom u žalbene navode i tendersku dokumentaciju, te analizom istih, utvrđeno je da žalbu treba djelimično usvojiti i ponoviti postupak javne nabavke, te izmjeniti tendersku dokumentaciju, a što se čini Ovom Odlukom, radi isteka roka za dostavu ponuda.

Cijeneći naprijed navedeno odlučeno je kao u izreci ove Odluke.



POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke u skladu sa članom 99-101 Zakona o javnim nabavkama. Žalba se izjavljuje Uredu za razmatranje žalbi BiH putem odgovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima
- Tehničkom sektoru;
- a/a KCUS-a